

Aymara - Kellkatanaca - Bad Mind Scriptures

Génesis 26:35 Aca pä warmisti janipuniw walt'aycänti Isaacampiru Rebecampiroja.

Deuteronomio 28:65 Uca marcanacan jaccasinija janiw sumancañsa ni samarañsa jicjjatapcätati; Diosajj wali sustjatwa jacayätam, nayranacamas llact'ata ajsarañana, kawkhasay cusisiñ munascam.

Rut 1:18 Noemí warmisti Rut warmin jupamp chica sarañ munatapatija, janiw juc'ampi cunsa siscjjänti.

2 Samuel 17:8 Jumajj asquiw yattajja, awquimampi uqhamaraqui cawquïri jakenacatejj jupampi chicäqui ucanacasti wali ch'amani chachanacawa, janiraquiw cunsa ajsarapquit, jichhasti wali coleratapuniçpcpachawa, cunjämätejj mä osa animalajj wawanacap apakatajj wali coleratajj uqhama. Uqhamarus juman awquimajj guerran nuwasir jakeraquiwa, arumajj janiraquiw mayni jakenacamp chicäpcpachati.

Proverbios 21:27 Tatitojj juchrar jakenacan sacrificio loktatanacaparojja uñisiwa, jupanacan jan wali amtäwinacamp loktapjjatap laycu.

Proverbios 29:11 Jan amuyt'an jakejj mäquiwa cunatsa colerasi, ucampis yatiñan jakejja colerasiñapjja mäquiwa apanucu.

Ezequiel 23:17,22,28 babilonio jakenacasti jutasinija jupampiwa iquintapjjäna, ucatsti ucanwa warmisipjjaraquïna, jucha luräwinacapampi k'añuchjasa. Uca jakenacatsa ajitasiñcamaw k'añuchjasiraquïna. 22 Ucatpi naya Tatitojj sistija: Uca munirinacamarusti, cawquïrinacattejj jichhajj ajitascjjita, ucanacarojj juman uñisirinacama tucuyäjja. 28 Tatitusti aqham siwa: "Cawquïri marcanacarutejj uñiscta ucanacan amparaparuw jalt'ayäma, cawquïri marcanacattejj ajitascta ucanacaru.

Ezequiel 36:5 Aqham siw Tatitojja: Arunacajjajj colerasiñampi aktayatawa uca marcanacataquejja, ucat juc'ampisa Edom marcataqui jupanacajj wali cusisiñampi nayan orakenacajj catuntasipjje uqhamaraqui wali jisc'achjañampi orakenacajjsa lunthatjapjje' sasa.

Ezequiel 38:10 Naya Tatitusti aqham sistwa: Uca urunacansti ñankha amtäwinacaw p'ekemarojj jutani.

Daniel 5:20 Ucampisa cunapachatejj sinti munañani tucjjäna, uqhamaraqui jach'a jach'a tucuñampi phokhantayasïna, ucapachaw Diosajj apakjjäna, take ch'amapsa uqhamaraqui jach'a cancañapsa reyítap laycu.

Lucas 12:29 Uqhamajj jan llaquit sarnakapjjamti cunti mank'apcäta, umapcäta ucanacatjja.

Hechos 12:20 Rey Herodesasti wali coleratänwa Tironquirinacataqui, uqhamaraqui Sidonanquirinacataquisa, ucampis jupanacajj mä amtañaniquiw reyin uc jutapjjäna. Jupanacasti Herodesan orakenacapan achquis ucanacampiw jacapjjäna. Janïra Herodesampi jiquiscasajja Blasto chachar sumachasinwa jupa tok sumancañ mayipjjäna. Blastosti rey Herodesan utapanija mä jilirinwa.

Hechos 14:2 Ucampis jan iyawsir judionacajja, jan judiöpquis ucanacaruw amtayapjee jilatanac toke jan walinac amtapjjañapataqui.

Romanos 1:28 Niyaquitejj Diosarojj jan uñt'añ munapcchejja, Diosajj jupanacarojj uca jan wali luräwinacapar chhakañapataquiw jaytanucu, ucat jan walíqui uc lurapjjañapataqui.

Romanos 8:6,7 Acapachancquis ucanacat llaquisiñajja jiwañar apiriwa, ucampis Ajayun jacañat llaquisiñajja wiñay jacañaru, uqhamarac sumancañaruw api. 7 Janchin jacañat llaquisirinacajja Diosan uñsisripäpjewa, ucatsti janiw Diosarojj munapquitu ni camachi arunacaparusa jaysapcaraquiti.

Romanos 11:20 Chekpachansa jupajj qhuchhuratänwa jan iyawsañanitap laycu, ucampis jumajj iyawsatam laycuquiwa uqhamätajja, ucatsti janiw jach'a jach'a tucuñamäquiti, jan ucasti aijssart'añamawa.

2 Corintios 10:5 Uqhampi nanacajj t'unjapjjitija Dios contra jan wali parlanac utjatapjja, uqhamarac Diosan arunacapajj jan uñt'atäñapataqui jarc'quis uca arunacarusa. Take jakenacan amtatanacapsa Cristoruquiw catuyapjita, ucanacajj juparu ist'apjjañapataqui.

2 Corintios 11:3 Cunjämätejj catarejj Eva warmirojj wali c'arinacapampi sallkjänja, uqhamaraquiw nayajj jumanacatija llaquista: "Acanacajj amtäwinacapan sallkjayasipcanicha" sasa, uqhamäspa ucajj jumanacajj saraktasjjapjjasmawa, Cristor k'oma chuymampi sirviñatija.

Efesios 2:3 Take jiwasanacaw uqham nayrapachajj jacayätan, munañanacasarjama sarnakasa, janchin munañanacaparjama phokhasina, amtäwinacasarjama sarnakasina. Ucatpí Diosan aijssarcañ mutuyäwip mayninacjama catokañasajj waquisinjja.

Efesios 4:17 Acwa jumanacar sapjjsma uqhamarac ewjjt'apjjsma Tatitun sutiparu: Jan juc'ampejj Diosaru jan uñt'apqui uca jakenacjamajj sarnakapjjamti. Jupanacasti jan cunatac sirvir amuyt'anacaparjamaw jacapjee.

Colosenses 1:21 Nayrajj jumanacajj Diosat jayancasipcäytawa chuymanacamansti Diosan uñsisirinacaparaqui, jan walinac lurapjjatam laycu. Ucampis jichhajj Diosajj jupampejj sumancthapijjapjjtamwa,

Colosenses 2:18 Jan chhakañaru apayasipjjamti qhitinacatejj wali suma

chuymenit uñt'ayasipqui, uqhamarac angelanacar yupaychiri tucupqui ucanacampejja. Jupanacajj uñanchäwinacs uñjapcaspa uqhamäpjewa, ucatsti amuyt'anipjjatap laycuraquiw wali jach'a jach'a tucupije.

- 1 Tesalonicenses 5:14 Sapjaracsmawa, jilatanaca, jan irnakañ munirinacaroja ewijt'apjjam, mayjt'atanacarojj ch'amañcht'apjjam, t'uqhanacarusti yanapt'apjjaraquim, takenimpis llamp'u chuymenipjjaraquim.
- 2 Tesalonicenses 2:2 jan janc'aqui amuyunacamija mayjt'ayapjiañamataqui. Janiraqui cuna casta ajayun arunacampis sustjayasipjjamti, ni cuna casta arunac ist'asinsa, ni cuna carta catokasinsa "Tatitun urupajj purinjewa" sas kellkata ucatsa.
- 1 Timoteo 6:5 uqhamaraqui alekat jan wali amtañani jakenacampi nuwasiñasa. Janiw cuna cheka arunacsa yatquit, jan ucasti amuyatanacapatija sarawipajj kollke jicjjatañäcaspas uqhamawa. [Acanacatja jithektam.]
- 2 Timoteo 3:8 Cunjämatejj Janes, uqhamarac Jambres jan wali jakenacajj Moisés contra sayt'apjjäna, uca pachparaquiw uca jakenacajj Tatitun arunacapataqui sayt'apjje. Aca jakenacajj chuymatpach jan wali amtani jakenacäpjewa, iyawsäwi toketja apanucutäpjewa.
Tito 1:15 Qhitinacatejj k'oma amuyunipqui ucanacataquejj take cunas k'omawa, ucampis jan suma amuyunipqui ucanacataquejj janiw cunas waliquiti, jupanacan amuyunacapas, chuymenacapas k'añütap laycu.
Hebreos 12:3 Jumanacajj amuyapjjam Jesusana uñacht'äwipatija, juchararanacan amparanacapanwa jupajj wal t'akhesïna. Uca laycu, janipun karjasipjjamti ni pächasipjjamsa.
Santiago 1:8 jupatejj jichhürojj may munani, khepurusti yakha munaraquini ucajja. Uqham may may amtiri jakejja janiw cuns sum lurcaspati.

Pastor T. John Franklin
Church of Salvation, Healing, and Deliverance
COS-HAD.org